

Dodatni motivi promovisanja *Koncepta* jeste činjenica prihvatanja Aplikacije projekta „**Kritička situacija u Velikoj Kladaši**“ aprila 2018. od strane USAID odnosno CPCD sa novčanom podrškom od 4,770.00 USD. U sastavu projekta je i obaveza publikovanja prihvaćenih tema kao „*Zbirke eseja...*“.

Nastojimo da sadržaji *Biltena* budu aktuelni, vjerodostojni, edukativni, pravi „rudnici“ činjenica o Velikoj Kladaši i njenom okruženju, te riznica vizija, ideja, pa i konkretnih prijedloga od općeg značaja.

Uspjeli smo argumentovanim baratanjem sa nedvojbenim činjenicama o kladaškoj recentnoj prošlosti osvijestiti dobar dio nosilaca različitih mandata i javnosti Velike Kladaše o nazadovanjima u odnosu na bliže okruženje, bh prosjek.

Sadržaji ovog izdanja *Biltena* „produbljuju“ saznanja o nazadovanjima konkretnijim komparativnim pokazateljima sa fokusom na poticanja kreiranja povoljnijeg općeg i specifičnog ambijenta.

Simptomi pozitivnih kretanja u oblasti (ne)zaposlenosti, porastu GDP/per capita, izvozno-uvoznih transakcija su više zasluga općih ten-

dencija u okruženju nego smislenijih djelovanja lokalnih subjekata, ključnih faktora u ostvarenju *Strategije razvoja 2014.-2023.* (Općinskog vijeća, načelnika, nevladinih organizacija...). Kao dokaze navedenoj tvrdnji vidimo u ignorisanjima „građanskih inicijativa“ (tematske sjednice...), totalnoj nespornosti oko priprema, donošenja, revizije strateških odluka, te kreaciji i bahatom trošenju budžeta 2017. o čemu svjedoči i negativno revizorsko izvješće. Rezultati provedenog anketiranja javnog mijenja građana Velike Kladaše februara 2018. objavljeno na oficijelnom portalu metodom slučajnog uzorka na 271 ispitaniku su dvojbeni po svim aspektima. Čemu služi blamaža, osim opjevanja?!

Prvorazredni izazov Kladašćana, ma gdje bili šta radili koji još uvijek ostaju privrženiji svom zavičaju, jeste „preokret“ ukupnih tendencija u djelovanjima prema pozitivnim kretanjima, direktivama EU. Vizija prosperitetnije budućnosti na kladaškom tlu prvenstveno ovisi o Kladašćanima!

**Velika Kladaša,**  
**agusta 2018.**  
**Ramo HIRKIĆ,**  
**analitičar-publicista**

**Osvrt na aktuelnu društveno - političku situaciju u Velikoj Kladaši**

## **Kladaška javnost još nije zapazila novu politiku**

*Društveno-politička situacija u Velikoj Kladaši promatrana kroz njene kreatore, funkcionisanje lokalne vlasti i njena stabilnost, rad Općinskog organa uprave, djelovanje javnih preduzeća i ustanova, utjecaju opozicije, građanskog aktivizma kroz civilna udruženja tokom zadnja 2-3 mandata Općinskog vijeća doima se veoma dopadljivo, prividno čak zadovoljavajuće.*

*Međutim, rezultati sveukupnog djelovanja su nazadovanje Velike Kladaše u odnosu na bh prosjek. Opći ambijent Velike Kladaše aktivnije kreira šest, od ukupno devet političkih stranaka koje participiraju u Općinskom vijeću, preko 80 civilnih udruženja sa veoma širokim spektrom „predmeta poslovanja“, 14 savjeta mjesnih zajednica, 27 džemata...*

*Prema općem uvjerenju većine ima više toksičnih nego poduzetnih „atributa“. Kladaške dvije istine o recentnoj prošlosti nastavljaju mirno koegzistiranje jedna sa drugom dok kome od nosilaca mandata nešto ne zatreba! Tokom 2017. prema podacima Porezne uprave ostvaren je porast zaposlenosti za 388 novozaposlenih ili ukupno 4.968 što je znatno više nego 2016. Društveno političku situaciju u Velikoj Kladaši treba posmatrati u kontekstu vremena i prostora u bližem i širem okruženju sa fokusom na povećanja prihoda (GDP p/c), funkcionisanje institucija sistema, aktivne participacije građana u kreaciji ambijenta za prosperitetniju budućnost.*

*Kladašku situaciju treba motriti novijim empirijsko teorijskim uvidom i pojmovima fokusiranim na afirmaciju autentičnog interesa u sintagmi „pravedno napredno građansko društvo“!*

Prethodni mandat (2012-2016) obilježila su „preslagivanja“ parlamentarne većine, koketiranja sa općinskim načelnikom, „divorce / rastava“ sa mentorom, sedmomjesečne pauze u radu Kladaškog senata, samovoljno institucionalno dopušteno proglašenje budžeta od strane načelnika dva puta, konsolidacija budžeta koji je koncem 2012. predstavljen u velikim belajima /poremećajima da bi sa 31.12.2016. na računu bilo evidentirano blizu milion maraka gotovine. Zapažena su i vrludanja opzicije bez jasne vizije i političke volje da se odlučnije iniciraju strateška pitanja.

Aktuelni mandat započeo je obećavajući. U rekordno kratkom vremenu učinjen je sveobuhvatan korektan „snimak“ stanja i prezentovan u Izvješčaju o utvrđenom stanju... (Decembar 2016.) na 218 stranica, ali je izostao Akcioni plan za poboljšanja. Staklena parlamentarna većina *Laburističke stranke* sa 13 mandata i dva „preletača/prebjega“ - smokvina lista, formirana je na netransparentnim principima.

Kladaška (ne)laička javnost još nije zapazila novu politiku, novi način mišljenja, novu viziju koja će rezultirati perspektivnijom stabilnijom budućnošću na realnim resursima koji nisu za potcijeniti.

Opći rezultat zaključno sa

**PROGRAM  
OSNAŽIVANJA  
NEZAVISNIH  
MEDIJA  
INDEPENDENT MEDIA  
EMPOWERMENT PROGRAM  
(IMEP)**